

geure mutil au matasa onetan nastauko? Zarraak giñiala ta zutunik egon al iñateko biar gendua-lako? ¿Legezko zera zala? ¿Abadiak be baietz uste ebala?

*Tsom.* Aititia: urte bitarako baiño ezta iñango ta ez larritu orrenbesteraño.

*Muit.* (Bizitasunaz) ¿Zer dogu au? Lenagoko euskaldunak euren buruen dsaube zirian, gaurkuak gure umien dsaube be ezkara. Nik onako dšuan-etorri-dsetan eztakiñ ezer gbañia zetarako zaituez gobernu tsarridšak eulidšak ilteko edo iñan ezik? Euron semiak eruango baleutsez' laster kenduko leukiez onetariko lege diabruzuak. Zer diñodan be idsa eztakiñ. Kesus mañia jau dogu lorral! jau dot atsekabia!

*Ant.* (Bera begira lizarotsu egon da gero). Aitía: burutasun bat daukat. ¿Egidša ezeteda? Guri, euskaldunoi gorroto ta iguiñ andidša dauskue olako tsakil ezereztšu orrek.

*Muit.* ¿Zeiñ ñok burutasun ori?

*Ant.* Len etorri dšakun erdalduntsu ori ¿benetan etedabiñ?

*Muit.* Bai gibili ez ostera?

*Ant.* Egingo neuke tema Diputauri eztautsala nire arazo onen barrirrik dšakiñ eragiñ.

*Muit.* ¡Ori egiñ etedšok ba!

*Ant.* Nik neuk uuuu, berandutuko ezpalitzakit iiiii...

*Muit.* Bakit urrian zeiñ dan ire asmu ori, baiña ik eztok balidšo. Tšomiñ laguntzat artu ta neu dšuango nakidšo Diputau orri. (Dšagidšaz) Tšomiñ, tira, erderaz egiñ biar iñango dok, eta esatekuok gero zuzen da argi argi azaldu gero.

*Ant.* Aitía: guk ibili ta ibili semia geugaz etseratuko dogu. Ona gero: ez aaztu diñodana. Neuri esan

